

膽粗粗邀大師兄合作

霆鋒寫「變態」歌 Gin 爆發潛能

■霆鋒一向愛
挑戰高難度。
資料圖片



■李幸倪拿
着火炬深入
洞穴。



■李幸倪遠赴雲南拍MV。

英皇歌手李幸倪（Gin Lee）膽粗粗邀大師兄謝霆鋒合作，想不到對方一口答應，更擔任她的新歌《白夜行》監製兼作曲。霆鋒表示很喜歡創作「變態」難唱的歌曲，Gin則笑言勇於接受挑戰，很感激霆鋒激發她的潛能。

李幸倪今年第二首新

歌《白夜行》上

架，找來剛於啟德開

騷的大師兄謝霆鋒作曲兼

監製。Gin笑言是「膽粗粗」

邀霆鋒寫歌，自爆當初抱着「隨

緣啦，佢咁忙邊得閒理我」的心態：

「我就係想同佢合作，一條寫歌一條拍

電影，總之有得合作就好開心，也都試吓，哈哈。」誰不知霆鋒真的寫了一首高難度歌曲，霆鋒說：「最鍾意幫人寫咁變態難唱嘅歌！」連Gin亦覺得是入行以來數一數二難唱的歌！

Gin透露霆鋒寫歌前做足功課，聽了她的舊歌才開始創作：「佢需要了解我嘅聲線、唱法、風格。聽咗我好多歌，覺得我嘅實力未有真正發揮出嚟，所以就特登寫咗咁難嘅歌畀我，激發我嘅潛能。呢個係佢好意，我亦都非常樂意接受呢一個挑

戰。」隨後霆鋒透過經理人問她三個「個人Keywords」，Gin說：「我糾結咗好耐，最後淨係交到『無拘無束』同『自由奔放』兩個，最後一個真係諗爆頭都諗唔出！」後來霆鋒見到她搞笑投訴：「你呀！叫你畀三個，你畀兩個！一定係糾結到死啦！」

Gin讚霆鋒很細心：「佢真係好了解我，可能大家都係處女座。」新歌難唱的程度令她錄了3日，最後霆鋒更於自己開騷前12日親自監場，Gin說：「佢特登抽時間同我錄音，我真係受寵若驚！」

靠退熱貼「續命」

今次MV遠赴雲南小鎮取景，Gin自爆瘡事：「出發前睇咗天氣報告以為好凍，帶晒啲冬天衫同羽絨，點知去到先發現原來當地超過30度！因為我哋睇咗個地區係一個大嘅範圍，但我哋個地方係一個小鎮，原來爭兩個鐘嘅車程，天氣已經非常唔同，要靠退熱貼同風扇『續命』！」

朱茵瘋狂自擱 感動觀眾

朱茵、羅家英與李子雄日前在深圳演出舞台劇《驢得水》，稍後再到內地不同地方巡演。今次是「紫霞仙子」朱茵與「唐三藏」羅家英繼電影《西遊記大結局之仙履奇緣》後，相隔30年首次在話劇舞台重逢。朱茵表示：「大家咁多年冇合作，今次難得同台有種莫名嘅親切感！」

朱茵透露劇中一場自擱戲極難演：「大家商量後，為咗令對手更有壓迫感，由試演時自擱七至八下，到正式公演改成十幾下瘋狂自擱，難度更高！我練咗好耐，擱嘅聲音要夠響，同時唔可以打到耳仔，加上我個角色『張一曼』面對連番被背叛，開頭我準備角色試過用喊去表達，但後來發覺用忍住唔喊、又熱淚盈眶嘅演繹更能展現角色嘅倔強，令觀眾更加動容。」



■朱茵很开心再與羅家英合作。

劉德華戲癮起扮外賣仔

由朱栢謙、張志敏聯合執導的舞台劇《你好，打劫！Reunion》將於5月8日開始公映12場，連日來一眾演員落力綵排，出品人劉德華和喜劇顧問張達明驚喜探班，並跟大家交流演出心得。原本只是座上客的華仔戲癮發作，當扮演外賣仔的工作人員準備出場，華仔竟然隨手拿起一個紙袋扮外賣仔，走到等外賣的麥沛東面前，原以為麥沛東被殺個措手不及，怎料他臨危不亂，更反問華仔：「乜咁熱口面嘅？」短短互動足令全場笑爆。



■華仔（左）突然扮外賣仔，全場驚喜萬分。

Michael C 紋身悼方大同

新城廣播劇《現在就愛》日前舉行《新城唱好海洋公園 現在就愛音樂會》，演出歌手包括張馳豪、力臻、詹天文、組合Beanies及Michael C。他們在台上逐一揭曉早前出席活動時寫下的時間錦囊，Michael C表示希望更加珍惜身邊人，並露出手上紋身，自爆將已故歌手方大同紋在手臂，繼續陪他走音樂路。事後他透露早年曾跟方大同約定合作：「佢好Nice話會等我，但呢個合作永遠都實現唔到，依家都好唔開心，後尾選擇紋身方式，將佢擺喺我心入面。」



■Michael C 手臂紋上方大同的肖像(圓圖)。